



国家清史编纂委员会·档案丛刊

清代中南海档案

政务活动卷十九

19

国家清史编纂委员会·档案丛刊

清代中南海档案

中国第一历史档案馆 编
西苑出版社

19

政务活动
卷十九



第十九册 目录

政务活动卷(十九)

光绪(三十二年正月——三十三年八月)

光緒三十二年正月·····	一
二月·····	四三
三月·····	一
四月·····	一六
閏四月·····	一九七
五月·····	二四
六月·····	二二四

光緒三十三年正月

七月·····	二二八
八月·····	二三四
九月·····	二四二
十月·····	二五三
十一月·····	三六
光緒三十三年正月·····	三二
二月·····	三四八
三月·····	三九一
四月·····	四四四
五月·····	四六九
六月·····	四七三
七月·····	四七五
八月·····	四七五

光緒三十二年歲次丙午正月

十五日癸未卯刻

上詣

大高玄殿拈香

壽皇殿行禮

詣 樂壽堂

慈禧端佑康頤昭豫莊誠壽恭欽獻崇熙皇太后前請安巳刻

詣 養性殿院跪送

皇太后還儀齋殿

御 保和殿

賜蒙古王貝勒貝子公文武官員等宴並

賞賚有差畢

奉

皇太后幸頤年殿侍晚膳看戲戲畢跪送

皇太后還儀鸞殿
駕還涵元殿

是日

起居注官貴福李士鈐

筆帖式梁照恭校

光緒三十二年歲次丙午正月十六日甲申

上詣儀鸞殿

慈禧端佑康頤昭豫莊誠壽恭欽獻崇熙皇太后前請安內閣奉
諭旨陸元鼎奏禮部右侍郎朱祖謀假期屆滿病仍未
痊懇請開缺據情代奏一摺朱祖謀著准其開缺

是日

起居注官達壽趙汝翰

十七日乙酉

上詣儀鸞殿

慈禧端佑康頤昭豫莊誠壽恭欽獻崇熙皇太后前請安已刻
奉

皇太后

陞勤政殿

寶座同

覲見總稅務司赫德北堂主教林懋德杜保祿
皇太后溫語慰問

上溫語慰問畢 午刻

御紫光閣

賜廷臣大學士等宴畢

奉

皇太后幸頤年殿侍晚膳看戲戲畢跪送

皇太后還儀鸞殿

駕還涵元殿內閣奉

諭旨禮部右侍郎著胡燏棻調補伍廷芳著調補刑部右侍郎外務部右侍郎著唐紹儀補授又奉

諭旨御前大臣及御前行走侍衛乾清門行走侍衛等日侍左右出入扈從當差勤苦並著分別賞給津貼以示體恤此項津貼一併由戶部籌發自此

次加恩之後如有嬾惰自安罔知振作者定予懲處其各懍之又奉

諭旨軍機處為用人行政樞紐關係綦重允宜優加體恤以清治源所有該處行走之王大臣及滿漢章京等均著賞給養廉用資津貼經此次優賞之後該王大臣等必能整躬率屬砥礪廉隅內外一切餽贈自應永遠禁絕各避嫌疑優仍有揣摩嘗試情

事著該王大臣即行據實嚴叅懲辦如有瞻徇容
隱一經發覺與受同罪以端政體而挽頽風此項養
廉著戶部按年籌給

是日

起居注官延清于齊慶

十八日丙戌

上詣儀鸞殿

慈禧端佑康頤昭豫莊誠壽恭欽獻崇熙皇太后前請安

奉

皇太后幸頤年殿侍晚膳看戲戲畢跪送

皇太后還儀鸞殿

駕還涵元殿內閣奉

諭旨醇親王載灃之第一子著命名溥儀又奉
諭旨工部左侍郎仍著胡燏棻兼署

是日

起居注官世榮吳蔭培

十九日丁亥

上詣儀鸞殿

慈禧端佑康頤昭豫莊誠壽恭欽獻崇熙皇太后前請安午刻

詣時應宮拈香

御紫光閣大幄次

賜蒙古王貝勒貝子公台吉塔布囊等宴並

賞賚有差

奉

皇太后幸頤年殿侍晚膳看戲戲畢跪送
皇太后還儀鸞殿

駕還涵元殿內閣奉

諭旨胡廷幹奏查明上年江西被災各屬分別緩徵遞
緩新舊錢漕等項開單呈覽一摺江西南昌等府
所屬各廳州縣上年夏秋之交被水被旱情形輕

重不同收成均甚歉薄若將應徵新舊錢漕等項
照常徵收民力實有未逮加恩著照所請所有勘實
被災之新建等廳州縣並九江府同知所轄之南九
二衛及勘未成災民困未蘇之南昌等縣併安義
寄莊建昌等縣均著將應徵新舊錢漕蘆課屯
餘分別緩徵遞緩以紓民力該撫即按照原單所
開各廳州縣村莊頃畝分數暨應緩銀兩米石